


Avou l' ètûde dès platès pîres nos avans apri dès droles d' afêres di c' ki s' a passé di cès tins là è l' Walatlandîde. Insi, si di nos djoûs on saye d' aprinde aus pitits èfants ki l' Bon Diè, d' èwousk' il èst, ore tot, vwêt tot èt sêt tot sus tot, mins k' is finichenut pa s' råde rinde conte po l' mwinsse k' // n' a pus wêre di mêmwêre èt k' si rovîyenut d' // l' cofèssî sakantès di leûs arnaujèrîyes ça n' leû va nin tirer à consèkince,



lès Walatlantideus, zèls, avîne ène dèyèsse ki s' loméve GAUGÈLE. Minme k' on a ritrové on gros tayî cayau avou s' n' imaudje èt s' nom mètu dissus. On torè ki pèstèlève on richot au fond d' on pachi d' l' amia d' Torikoû l'

a mètu au djoû i gn' a ène cope di samwinnes.

Lèye, li Gaugèle, n' èstève nin là po pèzer lès akes èt lès bistoker odobin pûni à s' n' astchèyance, èle passève djusse si tins à lire tot c' ki passève come sicrîjâdjès au trivié dès filés k' lès djins s' è sièrvîne po comuniker èt k' èstîne aloyîs à dès agayons do djinre di nos indjoles k' asteûre ène pougnîye vorîne batîjî *copiutrèce*. L' drole, c'èst k' èle ni s' contintève nin d' lès lire pa curiozité, èle lès ricopiyève lès onks après lès ôte dins s' mêmwêre po lès à plèji rdoner sins djoke èt n' î mauy rin kandjî à kî l' voléve èt kand il l' voléve. Sins pont d' paurti pri o comintêre, sins pont d' djudjemint, djusse ène mêmwêre, dijève-t-èle, po rinde sièrvice èt d' rajouter: « *C'k' èst dit vole au vint, c' k' èst sicrît dimère à todi.* »

Lès Walatlantideus morus, leûs bèlès mèkanikes èrunîyes, lès djins k' ont shûvu ont grété lès pîres dès traus d' Nûtons, lès meûrs èt dès pilasses po sayî d' fé l' minme. Èles ont tinu bon dès miles èt dès miles d' ans, èles avîne bau ièsse mia à iute dès soris ki l' papî, mins l' tins k' a passé, l' euwe, lès triyanâdjès dèl Daegne, evd, n' è nn' ont lèyî k' bin wêre dès pus vîs grètaedjes ariver djusk' à nos. Ptète k' il è trinne co au fond d' sakants roviyiyès cauves èt k' si nos avans dèl pacyince nos alans è ritrover ène bèle tchèrtèye ki nos è vont fé aprinde co d' pus dissus lès sièkes èt sièkes passés d' avant nos ratatatyons ?




Tot ratindant çoulà, sayans d' continuwer l' istwêre avou c'k' on a. C' èst dèdjâ si fwârt sibarant, l' pau k' on a trové, k' on n' pout k' s' è rafiyî, è rissatchî tot l' anseignemint k' èst muchî au ddins èt z-è profiter au mia...

Camaraudes, citwèyins, citwèyènes ! Wêtèz à vos ! Pètinotchèt èt Pokète ont skapé di leû gayole èt s' coloûter à muchète dins nos campagnes ! Waurdèz vos ouy bin au laudje !

I nos falève comincî pa nos rinde mèches dèl tèleuvuzion !



I nos lès faut au pu råde riprinde avant d' nos ritrover nèyîs dins dè nwârs wachisses !




Pont d' tins à piède !




Dès trêtes pèstèlenut
à lès shûre po sayî d'
nos mète à tèrtos ène
sitrwète laxhe au cô !

On vos prîye d' vos
taîre ! N' racontèznin
dès parèyès bièstrîyes
auzès djins !



Lès nwârès eûwes
si vont spâude
dins nos maujones !



Ène pitite
fachète po vos
fé taîre ?